

A Ngalahka kabut (Mark 4:35-41)

- ❖ Uda ke lelak sehari-hari nya, Jesus lalu tinduk enggau jenak amat lebuh bala sida ngelayang ngagai seberai danau (*Mark 4:35-36, 38*).
- ❖ Cherita ditu nitihka gaya pemandang Allah Taala ke selalu nyadi:
 - (1) Pemandang pasal kuasa: Jesus bejaku ngagai gelumbang “Teduh! Diau jenuh”
 - (2) Penakut mensia: “sida balat takut”
 - (3) “Anang takut”: “Nama kebuah kita takut?”
 - (4) Pemandang tauka ajar: “Kati kita mengkang enda arap?”
 - (5) Respon mensia: “Sapa orang tu?”
- ❖ Kabut ke tau ngenataika penusah ngagai perau ke benung bejalai (*Mark 4: 37*). Bala murid ngerak Jesus, lalu iya ngasuh ribut ngetu (*Mark 4:37*).

B Ngalahka antu (Mark 5:1-20)

- ❖ Penyangkai sida ba tebing narit ati. Dalam timpuh ti enda lama aja, semua sida lari ke perau magang. Lalu Jesus? Iya benung berandau enggau antu pasal syarat iya nyerah.
- ❖ Dalam pengidup iya ti kasar, orang ke dirasuk antu ngelala Jesus meh orang ke ulih ngelepaska iya. Taja nyawa iya nyau tengelam laban nyawa antu, tang Jesus ulih ninga enggau terang, ari nya iya lalu nyaut pengarap orang nya.
- ❖ Jesus mansutka orang nya ari rumah iya ti kamah (pendam), pia mega orang ke diau ba endur nya ari pengawa sida ti enda beresi (jani). Orang nya lalu beresi, tang bala kaban belayan iya mengkang dalam pengamah.
- ❖ Nya alai Jesus ngelepaska orang nya ngambika ulih nyadi wakil iya, sereta nembuta pengawa ke udah dipunka iya.
- ❖ Jerita tu ngajar kitai pasal Jesus ke ulih ninga peminta kitai, lalu ulih mega nulung kitai ngalahka penusah ke ditunga kitai.

C Ngalahka penyakit (Mark 5:21-34)

- ❖ Kitai sekali agi tetemuka cherita belapis ti kedua:
 - (1) Mark 5:21-24. Jairus ngiga Jesus.
 - (2) Mark 5:25-34. Siku indu suman.
 - (3) Mark 5:35-43. Jesus ngangkat anak indu Jairus.
- ❖ Taja dalam timpuh ke balat serius, Jesus baka ti ngachau pejalai diri enggau utai ke baka ti nadai reti: siku orang ke negu iya (*Mark 5: 30-32*).
- ❖ Kati enda ke iya patut ngaduka pekara nya dudi? Laban nyawa nembiak indu nya lebih beguna agi.
- ❖ Utai ke dipeda Allah Taala enda sebaka enggau ke dipeda kitai. Enti nembiak indu nya mati, iya ulih ngangkat. Enti indu ke sakit nya nyau bejalaika bukai, iya deka mengkang dalam pemetang, laban iya semina ngira kuasa ajih aja ke udah ngeraika iya.
- ❖ “Anak, pengarap nuan udah ngeraika nuan” (*Mark 5:34*). Batang pekara ditu meh pengarap ba Jesus. Ungkup iya enggau Jairus: “Anang takut. Arap aja” (*Mark 5:36*). Lalu jaku tu mega ungkup nuan enggau aku.

D Ngalahka penulak enggau penanggul (Mark 6:1-30)

- ❖ Nama kebuah orang Nasaret nulak Jesus (*Mark 6:1-6*)?
- ❖ Bakani Jesus enggau pekara nya? Iya bekejang sereta lalu nuju ngagai pengawa bukai. Tu meh chunto pengawa ke diajar iya ngagai bala murid iya (*Mark 6:11*).
- ❖ Kati kala nuan ditulak orang baka Jesus, tauka nengah penusah ke enda ditemu nuan? Nama ke dipelajar nuan ari pekara tu ke ulih dikenya nuan ngajar orang bukai ke ngasaika peneleba ti sama?
- ❖ Kitai datai ba cherita belapis ti ketiga:
 - (1) Mark 6:7-13. Misi bala murid Jesus.
 - (2) Mark 6:14-29. Pematik John pemaptisa.
 - (3) Mark 6:30. Report bala murid.

- ❖ Jesus meri buah penemu ngagai bala murid pasal siti pengawa ke berat: diasuh bejalai dua-dua iku lalu ngajar (*Mark 6:7-10*).
- ❖ Lebuh maya sida ngajar, John mengkang dalam rumah jil.
- ❖ Bebida enggau pemujur bala murid, John nutup saksi iya enggau pemati.

E Ngalahka penyaru penemu (*Mark 6:31-52*)

- ❖ Bala murid Jesus patut madah ngagai iya enggau silik pasal misi sida; lalu pia mega bala murid John patut nemu kebuah alai guru sida mati.
- ❖ Jesus nyurutka diri enggau bala sida, tang bala mayuh mansang sereta nganti iya ba tebing danau. Lebuh iya meda sida, “Iya sinu ati ke sida, laban sida baka bedus ti nadai orang ngibun” (*Mark 6:34*).
- ❖ Sida meh orang ke nadai ketuai, ari nya sida nadai pengiring (*1 Raja 22:17*). Sida nganti Mesiah ti deka ngelepaska sida ari orang Roma. Tang Jesus meri sida Mesiah ke ngelepaska sida ari dosa (*Mark 10:45*).
- ❖ Udhah ke betunga enggau pengawa ajih pasal ikan, orang mayuh lalu deka nyiri Jesus nyadi ketuai politik sida (*John 6:14-15*). Bala murid mega, lalu apin ngelala enggau bendar batang pengawa Jesus (*Mark 6:52*).
- ❖ Nama pengawa digaga Jesus? Iya enda nerima basa nya, nya alai iya lalu besampi (*Mark 6:45-46*).